

HOLY SEE PRESS OFFICE  
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE  
PRESSEAMT DES HEILIGEN STUHLIS

# **BOLLETTINO**

SALA STAMPA DELLA SANTA SEDE

N. 0288

Lunedì 08.05.2000

## **LETTERA DEL SANTO PADRE ALL'INVIATO SPECIALE AL CONGRESSO EUCHARISTICO REGIONALE DELLE ANTILLE (CASTRIES, SANTA LUCIA, 18-21 MAGGIO 2000)**

LETTERA DEL SANTO PADRE ALL'INVIATO SPECIALE AL CONGRESSO EUCHARISTICO REGIONALE DELLE ANTILLE (CASTRIES, SANTA LUCIA, 18-21 MAGGIO 2000)

In data 5 gennaio 2000, il Santo Padre Giovanni Paolo II ha nominato l'Em.mo Card. Rosalio José Castillo Lara, Presidente Emerito della Pontificia Commissione per lo Stato della Città del Vaticano, Suo Inviato Speciale alle celebrazioni del 2° Congresso Eucaristico Regionale delle Antille, che avranno luogo a Castries (Santa Lucia) dal 18 al 21 maggio 2000.

L'Em.mo Card. Rosalio José Castillo Lara sarà accompagnato da una Missione composta da:

- Rev.do Mons. Eustace Thomas, Vicario Generale della Diocesi di Roseau (Dominica);
- Rev.do Mons. Terrence Montrose, Vicario Generale della Diocesi di Georgetown (Guyana);
- Rev.do P. Joseph Edward Fox, O.P., Vice-Rettore della Pontificia Università S. Tommaso d'Aquino di Roma.

Pubblichiamo di seguito la Lettera che il Santo Padre ha indirizzato al Suo Inviato Speciale:

Venerabili Fratri Nostro

**ROSALIO IOSEPHO S.R.E. Cardinali CASTILLO LARA**

Pontificiae Commissionis pro Statu Civitatis Vaticanae

Praesidi Emerito

A conspectu quondam hominum remotus, sub panis specie manere voluit nobiscum ipse Dominus, supernum mentibus lumen animabusque exoptatum vigorem praebiturus. Ex tanto enim sacramento fideles confirmati suam operam in cotidianis muneribus obeundis fortius studiosiusque praestare valent.

Prudenti de consilio novimus alterum Congressum Eucharisticum Regionalem Antillarum Castriensi in archidioecesi, a die VIII ad diem XXI mensis Maii anni bismillesimi, futurum. Frequentes illuc fideles proximis etiam ex insulis complures accedent Corporis et Sanguinis Christi mysterium veneraturi, memores prorsus solidae illius doctrinae, quae copiose est quondam allata, cum primum christiana haec ad loca religio inducta est.

Cupimus et Nos nostro quoque tempore pietatis hae testificationes ut confirmentur et fides solidetur, quo latius pleniusque Salvatoris hodierni homines fruuntur salute et ipsi hoc divino de Sacramento uberrimos capiant fructus. Hoc namque convivium plurimum affert efficacitatis et ad maiora patranda usque compellit, idque multum iuvat ut quisque se convenienter ad Magnum Iubilaeum celebrandum comparet.

Itaque ut celebratio haec clarius peragatur et magnificentius, iusta per suum Praesidem excellentissimum Edgerton R. Clarke Antillaram Fratibus petentibus Episcopis, virum eminentem mittere statuimus, qui personam Nostram tueatur Nostramque simul mentem significet. Ad te autem Venerabilis Frater Noster, cogitationem Nostram admovimus, qui aptissimus dignusque visus es ad ministerium hoc sustinendum et efficaciter explendum, cum industriam sollertem tuam Ipsi et in vicinia officia quae agis probe noverimus. Ideo te MISSUM EXTRAORDINARUM constituimus ad Congressum Antillarum Eucharisticum Regionalem celebrandum.

Verba Nostra transmittenda curabis et cohortationem ad Eucharistiae vehementiorem cultum itemque omnibus participibus benevolentiam Nostram significabis. Benedictionem demum Apostolicam Nostro nomine omnibus adstantibus largiaris copiose velimus, quae sit caelestis praesidii nuntiatrix et felicioris aevi pignus.

Ex Aedibus Vaticanis, die X mensis Aprilis, anno MM, Pontificatus Nostri vicesimo altero.

IOANNES PAULUS II

[01024-07.02] [Testo originale:latino]

---